

蒼

梧

詞

蒼梧詞卷八

武進董元愷舜民撰

嘉善曹爾堪顧菴評

同郡吳梅鼎天篆閱

長調二

鳳凰臺上憶吹簫

閨情和李清照韻

斷碧分山空簾剩月無端
驀上心頭正烏絲斜拂光
動銀鈎一榻茶烟似水
鴛鴦字欲寫翻休沉吟甚
蛾

鸞兩筆消盡清秋。悠悠黃昏過也。便坐殘蘭燼。雙影偏留記。昨宵好夢重上朱樓底。事斷腸消息。倚西風翠剪明眸。還驚聽夜寒鴻起。又喚離愁。

阮亭曰僕弱冠曾和漱玉詞每讀舜老作自慚形穢

臨潼關寶臺晚眺

渭水東流鴻門左控驪山霽色初開恰憑高一望落
日樓臺霸業至今安在空留下繡嶺蒼苔只二世咸
陽王氣休說秦哀徘徊山河依舊遍春風羅綺滿
目蒿萊更敦盤霧鎖複道烟煤自是當時天醉吹海

水添入金杯。頻惆悵。昆明浩劫。歷盡餘灰。

阮亭曰。北涼稱題如聽素王擊缶。其年日如聽白衣冠作變徵聲。

漢宮春

立春

昨日迎春看。一時紅粉都賃。高樓晚來。彩雲雙燕飛。
上釵頭。春風入鬢。只今宵。春色偏留。應記取。金花綵
勝。爭傳翠管銀鈎。我亦黃柑薦酒。向青絲織手。一
醉相酬。驚心寒梅雪淺。煖柳烟柔。百年冉冉。有何人
吹律荒陬。春去也。與春無分。傷和不散窮愁。

其年日本色語止官
昭容未許輕加軒輊

醉中示岳聲國用辛稼軒韻

天地茫茫任我行。我法吾愛吾廬迢迢舉足萬里天。
路還殊塗窮日暮。有誰知潦倒。麤疎偏則見子虛烏。
有千秋狗監原無。封禪遺文安在。只茂陵秋雨渴。
殺相如身名一時俱盡。寧復憐予黃金繫肘。料東曹。
不戀尊鱸君試問高車駟馬都須讀計然書。

阮亭曰白圭趨時若猛獸犖鳥之發貨
殖詎易言者我輩之不高車駟馬固宜

寄惲元錦用辛稼軒韻

豐草長林看鳥忘。鰒魚樂江湖。故鄉烟景如許子。
盍歸乎。揚帆破浪。遍千巖一葉。須臾還長嘯。一聲梁
父。浩然風月歌呼。曾向伯通廡下。聽清談。麈尾不
變樵蘇。董生雅知憚者。此外誰歟。無絃琴在。真堪動
萬籟。笙竽從今後。酒酣耳熱。共君擊缶。烏烏。

阮亭曰極磊
落又極天然

燭影搖紅

元夜宿白鶴溪和張材甫上元韻

白鶴溪邊。淒迷宿草。春猶淺。漆燈燈火半無光。曠野

傳柑宴十里香塵波捲開佳城星樓連苑陰風吹竹
夜雨鳴蛩窮泉絲管華表歸來青山依舊人民換
棠梨花發淚闌干鄰笛山陽遠一去華胥夢斷何從
問夜臺修短白楊夕照薤露晨晞數聲哀雁

阮亭曰子美詩云百靈未敢散風被寒江邇長吉
詩云秋墳鬼唱鮑家詩恨血千年土中碧僕取以
擬舜民此詞

曹南耕梅廬卽席送陳其白入都赴選時其

白留燕廿餘年甫歸卽行同人賦此贈別

屈指髯公詞壇政扈推能手

謂令兄其年

燕臺鵲起繼難

兄得句惟園柳。故國溪山如舊。乍歸來、親朋聚首。雪
花六出。霜葉千林。擁爐時候。此夜梅廬。深談淺送。
涓涓酒。侵星君又發。征途何意分飛驟。我亦京華客。
久仕途中。積薪偏後。遲君結綬。待我聯鑣。相期春晝。
南耕日一
往有深情

塞垣春

送友人出塞和周清真韻

塞外天垂野。蟲莽莽。征鞍卸。紫臺一去。黃埃千里。關
山如画對。大旗落日蕭蕭也。毳幕烟光飄灑。聽銀箏。

初弄罷半壁邊愁堪寫。驅馬射雕還。恰便似臨邛。
閒雅。歸雁過晴天。叫徹淒涼夜。正夢傳芳草。淚落寒
雲幾處。悲笳月下一往心如醉。向葡萄。嬾把

黃公曰如聽
霜天曉角

反昭君怨

紈扇雙蛾老。零落秋風多少。羊車過也。鸞笙何處。長
門漏悄。聽一聲千帳琵琶調。絕勝雲和斜抱。待得射
生歸晚。乳酒桐茶共倒。 貂錦換羅衣。擁如花。醉眠
芳草。夜夜擅臙脂。簾簾吹春曉。君不見。漢家戰士謀

臣不若漢宮人巧。若愛妾顏色已困平城道。

其年日末段竟以議論填詞哀梨并剪大覺快人

夢揚州

玉鈎斜

最堪傷。是迷離一帶雷塘。碧樹璇淵。淩淩葬玉埋香。
蟬蛄弔月東風外。狼籍他翠羽明璫。井欄滅寒鴉集。
疎烟亂草平岡。誰奠桂酒椒漿。只數坏黃土幾葉。
垂楊隱隱輕雷。車聲想像君王夜臺也。聽南宮漏看。
漆燈猶照啼粧。情無限。芳魂迎輦。化作鴛鴦。

其年日淒清冷豔可作地下宮詞
阮亭曰甚似明遠蕪城一賦詞果小道耶
黃公曰與元夜燭影搖紅同妙此首尤勝阮亭以
爲蕪城一賦其年以爲地下宮詞正恐天外烏鴉
冢中紅鬼一時聲淚俱下

倦尋芳

遊林屋洞

洞天第九一穴三門包山山麓外若建瓴其內形如
曲屋跣而登樓而入天風谿呀驚雙燭更探奇路隔
三江底水滾泥濁似兒童蛇行扶服青乳垂肩丹
梯摩腹玉柱金庭何處遂堪容足欲盡靈威十七日

片時幽壑悲。潛伏問山君。又何如高飛鴻鵠。

阮亭曰陸魯望皮襲美遊林屋洞詩搜奇抉
奧可稱創獲舜民遂以長短句驅駕其上

瀟湘夜雨

雨夜泊湘江和韻

韶石烟籠雲門霧。欽晚來風送餘涼。瀟瀟颯颯戍鼓。
咽橫塘。更幾陣征鴻嘹唳。偏叫入隻影寒窗。最難忘。
空閨聽雨和淚憶蕭郎。去年當此夜。啣杯曲席挾。
瑟高堂。正繡簾半捲紅燭成行。底事飄流嶺海祗留。
得薄倖。詩囊知何日故園晴。晝不負好春光。

生洲日蕭蕭瑟瑟彷彿湘江
夜雨時未免有情誰能遣此

天香

月夜飲青墩叢桂下

松粒蕭森竹竿掩冉叢生古桂山麓老樹連蜷樛枝
偃蹇密葉清陰如屋金風數陣忽飄下萬堆金粟灩
灩朝光爛熳團團曉露芬馥細纈丹黃眩目早飛
來一輪圓玉桂影扶疎付與樽中醺醪恍入廣寒宮
闕對碧海姮娥伴幽獨待月西沉和花同宿

雲臣曰有此佳境
俯視塵寰如蟻聚

醉蓬萊

山陰上巳張登子招遊蘭亭以雨阻不果

怪東風惡劣和雨和烟悶懷堆積一片空濛遮盡千
山碧修竹瀟瀟茂林颯颯寂寞天涯客難泛壺觴漫
舉蘭社冥冥終夕遙想亭邊金堤困柳玉澗欺桃
青鞋空濕曲水環流共浮杯爭滴一室孫公四愁平
子俯仰悲陳迹記取明年右軍此會又成疇昔

天石曰故事不堪頻寫爾時無雨殆難爲
懷山靈善于位置舜民是以得此佳句

長亭怨慢

詠柳

記一帶。画樓西岸。嫩綠初分。輕黃纔換。萬縷千絲。依
依。搖曳溪橋畔。瘦損腰肢。做出春情。嬌軟欲起。又三
眠一半。逐風斜半。隨烟卷。看青青客舍。牢把別離
長綰。送郎去也。只不解迎郎。近遠空結。盡思婦愁。睂
知何處。窺人青眼。留取最長條。玉筍聲中。歸晚。

阮亭曰。逐句相生。竟如遊絲之不可斷。

慶清朝慢

喜雨

颯颯斜飛紛紛灑迥江南節應黃梅風引中宵微雨
劃地驚雷望龍鱗原隰映空濛萬頃淨氛埃平疇外
枯槁盡束荷鍾晨回歌於市抃於野指雲門渠口
珠玉天來更喜茅齋新洗蒼翠時開但願焦枯生意
清凉一氣自陽臺同膏澤八荒四海擊壤斲杯時北地苦旱

叔易農日溼溼盛世之瑞音
不數万俟雅言應制諸作

夏初臨

銷夏灣

萬頃蒼茫。四山環合。人傳銷夏灣頭。水殿凌空當年
醉舞汀洲。倚闌香送悠悠。照新粧。春色波浮。菱歌唱
罷。鐵笛一聲。驀地驚秋。錦帆烟滅。犀甲沙沉。故宮
荆棘落盡。梧桐蘆花。楓葉而今處處閒。愁曲岸漁舟
對青山。立驚眠鷗。想風流歸去。五湖誰更同遊。
蔡紫楓曰。銷夏漁舟。洞庭十景之一。舜民淺
於言景。淡於言情。憑今弔古。令我低徊無盡。

聲聲慢

芙蓉湖採蓮

水田萬頃。夏木半章。蓮塘高柳鳴禽。十里芙蓉。半篙

盪破層陰笑指沙棠香滿入花叢隔浦潏潏停橈處
見紅浮霧鬢翠濕風襟四望凌波微步王孫欲
語粧影初滿荷葉羅裙一色恰趁幽尋剪開同心憐
子莫妾心苦似蓮心秋風起愛連絲折藕清潯

兄賔實日典趣不凡詞復風華秀
潤當爲晉魏遺音豈止周秦逸調

秋夜聽蟋蟀聲

淒迷短笛斷續寒砧秋聲一派相引瑟瑟空庭那更
聲聲幽恨驚心叫回嬾婦却無端訴愁難盡數遍五
夜更籌長共霜風淒緊石罅墻陰隱隱還記得兒

時徐行側聽竹。柵磁籠。蟲達將軍臨陣。曾來半閒堂裏。把趙宋江山輕殉。到得孤吟牀下。越縈方寸。

其年日豪蕩。感激寫出蟋蟀如許。關係較之白石一詞真覺今能勝昔。

閨憶和李清照韻

寶鏡長封玉簫不御。天涯一望。慙感卜損金釵。難問片鴻消息。驚心滇池烽火。正春江羽書飛急。簾捲也。又簾垂。獨自此情誰識。千恨亦腸堆積。殘紅落小徑。青梅時摘。輕暖輕寒。白日晴陰向黑。晚來雨濕窗紗。共孤燈和淚。暗滴。只兩箇平安字。何由寄得。

黃公日與李易
安齊情協響

雨中花慢

避暑芙蓉湖遇雨宿塘上作

極浦殘陽遙山一抹平湖急雨初收恰波開明鏡冉
冉香留淚濕紅衣似洗風搖翠扇疑秋問垂楊曲岸
有誰相識且繫蓮舟小姑盪槳鴛鴦睡處遲遲偏
會凝眸還指引吾廬修竹斗室清幽眠臥只持蓮子
芙蓉繞徧牀頭橫塘此夜氤氲到曉夢斷西洲

其年日麗而有則婉而
多風可入謝玄暉集中

八聲甘州

閨七夕

再向銀河畔。數佳期、相望又相邀。正歡娛、此夜六年
兩度良會。非遙。記得從前好合。離恨在明朝。更值秋
光永。清漏迢迢。天遣多情靈匹。却無情、烏鵲有意。
偏勞看雲開月帳。重與渡星橋。願乞取。羲和曆日。算
年年長是。閨中。今宵何須歎。世間兒女。一別魂銷。

暗香

紅梅閣秋杏龔瑯琊屬賦

霜。鸞。嬖。冷。倚。日。邊。開。遍。一。叢。仙。杏。粉。薄。紅。輕。艷。蕊。壓。
枝。美。疎。影。何。事。北。人。誤。認。與。金。粟。珠。英。交。映。愛。素。節。
畱。住。韶。光。點。綴。艷。陽。景。耿。耿。晴。光。近。看。幾。縷。氤。氲。
烟。鬚。微。凝。生。香。藥。鼎。飄。渺。晴。空。蘸。壇。靜。無。數。臙。脂。淺。
注。有。紫。府。分。丹。曾。並。秋。未。老。春。長。在。碧。虛。清。境。

黃鸝遶碧樹

元真宮鼎榆

絕。塞。霜。威。近。羊。城。紫。殿。忽。探。奇。趣。天。上。星。精。向。細。縕。
寶。鼎。根。株。盤。據。扶。疎。百。尺。擁。翠。葉。香。烟。千。縷。渾。不。辨。

生剋五行木火鎔成金土。百和芳薰如許散飛錢。
五銖紛止挺霄漢。是洪爐傑出鐵幹。曾鑄歲歲凌寒。
就熱長共倚龍鱗樹。官外孤松亭亭出塞所未見。揔教歷盡罡風。
切灰畱住。

燕春臺

白雲渡舟中送吳枚吉之彭城潘原白之薊
門予亦將之廣陵却和枚吉原韻

浪跡東西長江南北青山萬里孤舟一別銷魂三春
憔悴如秋飄零楚尾吳頭歎塵埃野馬滄桑漢壘雷

塘荒草風雨迷樓。金臺骨冷，戲馬烟寒，廣陵花月。
尋憶難休。笙歌如夢，平山冷落，誰修天外，征颿望中。
衣帶萬種離愁，儘遲留向白雲飛處，一樣回眸。

揚州慢

揚州感舊

御苑鶯花，官河楊柳，無端一望，淡秋聽竹。西歌吹小。
杜憶曾遊，記昔日珠簾錦纜，茱萸灣口。荳蔻梢頭到。
而今風隳野鼠，雨嘯鵲，萋萋衰草更傷心，鬱鬱
長楸。縱甲第纍弓中原，拜表白骨荒丘。二十四橋何

處空贏得薄倖青樓十年清夢覺二分明月揚州

阮亭曰舜老蒼梧集中每製一調多是尊題卽此便非流輩所及况言語妙天下耶

黃河清慢

渡黃河

天下滔滔皆是也。濁浪自天而下。萬里奔騰倒海崑崙。中瀉歷遍桃花竹箭。誰追及龍門。駟馬古來投壁。沉圭總欲塞宣房。無價。西風一葦能航。便高嘯。笙篴烟帆如画。遙望山川多少。六朝閒話。歲歲軸轡爭涉。見白齒長鯨波射。河清可俟。且神遊廣漠之野。

阮亭日觀其筆勢
直欲千里一曲

雙雙燕

讀顧閨秀秋分送燕詞因用原和史邦卿韻
小窗微詠見咳唾風生吳江楓冷繡戶珠簾長與玉
臺人並一葉驚吹梧井恰燕子嚙來未定呢喃似訴
離情還戀雕梁清影曉雨琴書偏潤點飛花入硯
烏衣才俊回堂一別處處瀟湘烟暝鄭重主人安穩
怕誤聽天邊霜信明年依舊重來莫向秋闈閒凭

生洲日香嚴詞來生願作章臺柳睡軟粧樓左右
讀繡戶珠簾長與玉臺人並二語予亦願作紫燕

月下笛

舟中聞笛

水落蕭蕭江波澹澹一聲橫笛月明如水七十二峰
凝碧遍長空楊柳梅花吹落盡滿天秋色有放臣逐
子棄妻離友曲中淒惻當換却清商恰調當入被窰
雲裂石黃鶴樓封萬里鷓鴣飛急正懷人絳帳情深
更念舊山陽淚濕問知音誰踞胡牀空弄柯亭客

阮亭日潯陽江頭夜送客情事相似月明如水七
十二峰凝碧何啻曲終人不見江上數峰青耶

孤鸞

秋哀

自憐何極。忽零露淒晨陰。風緣隙。燈火熒熒。難問影。
堂消息。落葉空庭無語。見一片紙錢堆積。深夜剪刀
初放。却向靈衣泣。想音容到此。渾非昔。更傷心小
女。遶牀啼。覓親手。調薑橘。萬一魂兮。食奠酒三行而
後。猛回頭。驚惶若失。長夜冥冥未曉。共寒蛩悽惻。
其年日如讀李北地結腸篇不能終此曲矣

八節長歡

袁重其屬題負母看花圖

母病新痊。體加嘗膳。藥以勞宣。一庭榴噴火。半榻草鋪烟。還愁老眼看花似霧。膝前移向花前。試看花前戲綵花也。嫣然老萊故作兒眠。憑兒負。莫教懷抱情牽。不用板輿扶。花中坐。婆婆白髮紅顏。慈顏喜折一枝供佛屏間。但願得一觴長進。花開花落年年。

弘載曰。麗筆中具關天性。讀之心目悚然。當與祝京兆乳姑圖詩並傳不朽。

珍珠簾

詠蟬

一庭綠蔭。湘紋摺。雨過碧梧初浥。兩兩噪鳴蟬。高下

聲聲急側耳。年年當此際。恰飲露吟風。偏咽愁絕聽。
如羹如沸。秋心如結。細訴轉眼繁華。把興亡遺恨。
向人饒舌。齊女鬢邊雲。趙女絃中雪。總不管南冠放。
逐長則對北窗啼。徹淒切。早斷雁寒蟬。幾番更迭。

三姝媚

廬山三疊泉

凌雲踰小舍。向鳥道枝撐。松根雲罅。渡澗緣溪。正披
榛延葛。猱攀猿掛。絕壁捫虛。見三級銀河低瀉。鼎鼎
貫珠。裊裊游絲。從天而下。二級懸空。噴射溯初級。

溟濛雪飛濤。灑赴壑。衝波却龍潭。漚注如奔萬馬雨。
橫風狂看風雨。長晴不夜。好倩陳黃妙手。回圖傳寫。
朱子解郡後常托陳和成黃商伯繪圖觀之。

玉蝴蝶

鳳凰山懷古

何處宋家陵闕。一江王氣。十里湖光。遊幸曾傳德壽。
複道垂楊。水中仙雙鋪翡翠。天上樂小。按霓裳。最難。
忘。魚羹重進。舊事淒涼。堪傷北尋南渡。黃沙漠漠。
白塔茫茫。鐵弩烟銷。聽潮聲。猶咽錢塘。看芳草。青迷。

輦道更松杉。翠濕宮牆恨偏長。臺空麋鹿山繞鸞凰。
黃公曰憑弔詞悲涼不少如此
毫髮無恨波瀾獨老正未多得

月華清

斷橋同內坐月

紅粉憐卿。青山伴我。恰值西泠。良夜水色山光耿耿。
月華同瀉。湖裏外。玉鏡無塵。峰南北。冰輪高駕。閒雅。
笑笙歌。画舫日西纔罷。最憐此夕。清光把西湖勅。
賜客。吾閒話。兩兩。深情一片。幽輝堪藉。天似水。霧浸。
樓臺。人如回風。清蘭麝。堪訝。料姮娥。照影自嫌孤寡。

阮亭曰直欲作遊仙詞讀
西湖二語絕勝鑑湖一曲

高陽臺

七夕姜子翥趙粲今過集

珠露溶溶。銀河耿耿。癡兒騃女紛紛。穿針樓畔。年年此夕。銷魂雙星天上。欣初會。恰人間有酒盈尊。喜天涯知己。筵前對影論文。不須瓜果橫陳。只三杯醉倒。巧拙誰分。經歲淒涼空教巧。似天孫七襄。今夜纔停織。美文思機杼。生雲且高吟。精靈颯合。夢想殷勤。

瑣窗寒

冬閨

曲曲銀屏。潑潑玉宇。層層珠箔。剪剪霜寒。梅影瀟瀟。
月落曉風吹夢到。郎邊重門偏鎖。相思約。便裝成蜀
錦。疊遍吳綿。只嫌衾薄。寂寞紅窗畔。正博山情暖。
溫和如昨。笑供沉水一縷篆。烟堪託。而今撥盡寒
灰。這兩字相思。且莫怎知伊。金筋爐前。恰雙雙倚著。

阮亭曰。妙思迴縈。
亦如篆烟。徐引。

金菊對芙蓉

詠美人蕉

弱質亭亭芳心點點日南初貢奇葩乍迎風欲捲花
葉交加遙臨碧海珊瑚出倚綠天絳節堪誇歌殘火
鳳舞迴青鳥相向窗紗聽來夜雨盈堦問十洲仙
種淚染霜華恰曾依修竹閒擘桃花翠帷映玉妃春
睡似五銖豔奪晴霞花前笑問美人名字配合偏佳
齊賢曰輕摹淡寫備極匠心
而不落纖巧洵推咏物名家

送楊亭玉同年掌教江浦和梁太司農韻

易水蕭蕭薊雲漠漠分携猶憶新秋正雁涵清影月
過南樓星河欲曙金波冷天似水露濕銀篝黯然一

別我歸白下。君住幽州。文翁片席堪留。恰春風浦
口。化雨江頭。看公門桃李。雪映紅稠。定山百鍊。鰲山
詠笑。花封騎尉。通侯絳帳。調笙鱸堂。揮塵砥柱。中流
亭玉。訊鶴巢近況。詞以答之。再和前韻。

金粟飄香碧梧響。雨望中景物俱秋。更鶴巢松樹山
滿溪樓。危闌百尺堪高臥。爐烟裊翠帳紅篝。臨風嘯
詠。盞傾陽羨曲譜伊州。策杖竟日淹留。任花前携
手。竹下科頭。只一年好景。花密香稠。縱橫意氣。凌滄
海乾坤。小螭蟻王侯。憑君問訊。千杯濁酒。萬里清流。

許青嶼日亭王詞翰俊爽意氣豪舉坐不得
志竟赴玉樓有舜民二詞千載常在人間矣

新雁過粧樓

憶昔

憶昔初逢茶蘼下。隔簾花氣朦朧。碧窗携手細聽雨。
汝歡儂。曲曲銀箏纖指擘。玉顏嬌映酒杯紅。最關情。
羅襦半醉佳會惺忪。懊恨五更枕畔却無端別去。
直恁匆匆。蘭舟繡被叫入隻影孤鴻。兩地相思一點。
只魂夢相隨。十二峰回望處。恍幾聲將息。立盡曉風。

青際日隳括
得一部西廂

東風第一枝

送徐健菴同年計偕入都時同繆雙泉先生

枉顧

雨點槐黃。烟籠柳綠。誰向柴門剗啄。驚傳竹徑。鳴鏹却來草玄。小閣長安日近。偏喚起北山猿鶴。媿逢迎。難罄交歡。握手舊遊如昨。花磚下喜聞棲鵲。公車上欣瞻入洛。小何禁近鰲扉。大宋聯翩龍躍。一枝先許看鏡裏芙蓉。棣萼待春明總隔雲泥。應念故人淪落。

青際日兩君高才入洛班。生此行何異登仙。若使
舜民聯袂而往。未必蒼梧詞之百體俱備也。天殆
留以補花間之闕歟。

惠山踏青詞和秦鄴仙韻

轉眼放燈。又近禁烟。嫩綠天紅遍了。一溪千頃平鋪。
四面九峰環繞。韶光歷歷。聽幾處提壺喚早。盡長堤
寶屨。湘裙沾惹。落花飛草。鸞鏡裏亂雲爭曉。雕鞍
下。雙鬟微笑。面樓纖手重携。石徑篆烟輕裊。相逢密
坐。莫辜負金尊頻倒。帶夕陽爛醉扶歸。又說來。朝晴
好。

半塘苦雨再和前韻

薄霧凝寒濃雲閣雨上已清明過了半塘景色淒迷
故苑風花繚繞遙天似墨却催送黃昏更早濕鶯啼
殘夢依微歷亂滿川烟草望曠野陰陰難曉看露
臉盈盈欲笑簷前百樹青排牆外幾枝紅裊銀瓶指
點共舊侶蓬窗傾倒倚西風剪破春愁一霎依然春
好

弟方南日抑揚
盡致辛婉入情

玉燭新

寄贈家默菴侍講督學畿輔

系傳三策後正仰止東山一枝獨秀日邊臚唱簪花
早坐聽玉堂鐘漏青綸輝映想御燭分光時候

槐風動吹下西清衡文望隆台斗燕臺建節掄才

似波湧桑乾峰蟠天壽羣英輻輳却盈盈桃李花開
如繡春風入手絳帳簾垂晴晝算指日黃閣重登詞
臣領袖

蔣玉度日工麗無此覺九
天萬國句猶遜其秀整

蒼梧詞卷九

武進董元愷舜民撰

文安紀 吳朮菴評

同里憚 格正叔閱

長調 三

念奴嬌

烏江懷古用東坡赤壁韻

長天浩渺看年年如此江山風物奪却會稽頭與印
已定江東半壁九郡稱雄五侯臣服一劒飛寒雪入

關以後東歸詎是人傑。賴有駿馬悲號。美人宛轉。此咤英風發。試問漢家今孰主。都向暮烟沉滅。百戰難亡。千金可購。遺恨衝冠髮。陰陵道上。亂鴉叫醒殘月。

阮亭曰。每不喜今人例作。喑鳴叱咤。如此豪蕩。感激文中。子長詩中。子美詎但詞中。幼安乎。又曰。奔却會稽頭。與印三字。氣橫九州。憤王知已。

石公山同秦補念楊觀甫坐月

平湖春漲。正澄波萬頃。層嵐千疊。冷浸琉璃天。似水。水湧。一天晴色。玉宇無塵。銀河乍洗。漱澹浮空碧。驚。

飛鳥鵲。青山無數頭白。最好放眼高歌。山鳴谷應。
喚起扁舟笛。石丈偃僂如欲語。清露淋漓。獨立縹緲。
峰寒。鮫宮浪靜。祇是疎狂客。此時不飲空教辜負。今
夕。

秦補念曰與舜民同遊月色無夕不作此夜更爲
清絕携樽促席浮白呼盧得此詞湖山大不寂寞

題蘿村詞卽和弘載韻

十年詞賦擅江東。屈指唯髯誰敵。歌罷苧蘿村裏曲。
絳樹紅綃。無色擊碎珊瑚。拓殘金戟。皎鏡搖空碧。臨
池墨妙。更看賜絹千匹。我昔浪迹山陰。巨卿元伯。

爭致蘭陵客。試問茂林修竹。下可有江都片席。禹穴
留題耶。溪泛棹。往事重追憶。讀君高詠。柯亭響徹。橫
笛。

青際曰有拳槌黃鶴樓
氣槩非劉後村不能

舟中喜偕王仔園和原韻奉贈

南宮棄置隸南曹。又序齊年昆弟。却喜潞河同放棹。
舊識琅琊才氣。白苧清詞。紅橋新詠。不數江都麗。維
揚花月。過江門閣。尤最。更愛書畫巢中。義皇晉宋。
揮灑同兒戲。潑墨掀髯。搖塵尾。想見雅人。淡致擊鉢。

聯吟揚帆弔古得句偏靈異。三槐手植知君公望堪繼。

曹顧菴學士過集學文堂同錢湘靈諸公觀
陳椒峰家劇卽席限雪字用坡公韻

學文高譙似蘭亭。彷彿永和人物。疊嶂疎桐微點綴。
坐擁雲山半壁。黃絹分題。烏絲拈韻。細詠梁園雪。鴛
湖學士共推海內詞傑。又是子夜新聲。前溪妙舞。
四座清商發。笑語風和。簾幕靜隱。映蘭缸欲滅。紅豆
徵歌霓裳。按拍一縷音如髮。厭厭旣醉。霜飛窗外寒。

月

顧菴曰蕭疎凋
儻情辭並妙

登焦山再用坡公韻

金焦兩點峙中流。無限烟波風物東。去高峰尤屹翠。
祇柱長江半壁。日夜滔滔。洪濤滾滾。噴浪堆銀雪。捫
蘿陟巘。江山若箇英傑。更上萬仞峰頭。一聲長嘯。
林木听然發。絕頂孤亭凭檻望。掩映江波明滅。岸幘
逍遙解衣盤礴。到此朝晞髮。晚來雲歛海門飛上圓
月。

又

我來探勝訪遺踪。憑弔千年人物。瘞鶴亭前飛白鷺。
剩有雷轟石壁。莫問華陽漫尋逸少。總飽沙汀雪地。
靈天險。祇傳萬古雙傑。追想楊子懷人。焦君避詔。
顧盼高風發。縹緲忠魂同勁節。不共寒潮磨滅。千尺。
濤聲一江雲影冷。浸蕭蕭髮。浩然正氣。冰心一片明。
月。

又

北山山後更蒼茫。兀立江心。何物傳是蹲獅兼伏象。

傲睨東流峭壁。數卷華嚴。幾聲鐘磬。萬事如冰雪。琉璃寶地。優樓銷盡人傑。爲問五十三叅海雲。當日一笑掀髯發。樓有海雲菩薩像美鬚髯愧角功名。蝸角利。好向微塵生滅。身世虛無。化城抖擻。落盡星星髮。海天空闊。朗吟長伴烟月。

紀朋菴曰以銅琵琶鐵絃板高唱此詞令人不復知有大江東去

登金山有感用夏貴溪韻

江心翠嶽障狂瀾。今古巍然獨立。睎眴靈妃倚浪笑。不用五丁神力。鰲脊波興蛟涎日射。一柱千尋壁亭。

亭映發相傳。笋蠹莖植。試問行者當年。開山布地。
寶氣浮空。出少府。泉流都似此。滾滾財源。不息白日。
西飛海門。東下空有垂天翼。丹砂不就。點金難化。巖
石。

師正叔曰
才情橫絕

送孫無言歸黃山和顧菴先生韻

黃山山頂有三十六峰。峰峰奇絕。或似獅蹲。或虎踞。
萬仞堆銀。踣鐵羅若星離。亂如笋蠹。溪響懸空。舌捫
蘿而上。天門直許停轍。問子何不歸耶。年年且住。

不。作。燕。城。別。鑄。鼎。高。臺。何。處。是。廬。下。漫。因。人。熱。隋。苑。
瓊。花。烏。聊。紫。草。總。是。存。吾。拙。半。瓢。猶。在。紅。橋。飽。看。飛。
雪。

顧菴曰：一氣迴環，運筆奇秀，真爲千古至文。莫作填詞讀過。

秋七月何大春尊人六十壽令祖八十雙壽
而大春以九月舉子令弟並舉一子索詞
爲贈戲用數目字倣東坡體

相。門。五。世。擅。千。秋。七。夕。一。尊。三。壽。又。報。雙。珠。雙。出。海。
八。六。欣。逢。重。九。八。十。摩。娑。六。旬。矍。鑠。四。葉。簪。纓。胄。四。

千五百一元。今日初授。遙想四望峰頭。半山閣畔。
蔭一庭清晝。四顆仙桃。七尺棗。三鳳八龍。如繡一七。
歌詞八千獻歲。九棘三槐。右二難。四美萬年。千日醇
酎。

省齋曰。人工天巧。備極
自然。正不病其纖也。

題鄒玉聲画册

江樓清曉。展黃軒遺像。丹青画本意。匠經營。規畫巧。
骨肉不先。神韻蹴踏。張萱憑陵。周昉灑落。蒲思訓虎。
頭絕藝。龍眠集古。差近。最是林下才華。圖傳六隱。

好與淡閨認。蓼岸桃溪。工點染。笑殺圖家朱粉。北寺殊形。雲臺生面。觸目琳琅俊。野王重出道鄉。千古評論。

又題玉聲画美人

鵲溪數尺。有宓妃洛女。翩然相引。綽態柔姿。看更好。素面偏浣。脂粉豔絕。周陳姣殊。燕趙妍窈。誇秦晉。輕裾修袖。生綃却許親近。縱是顧陸。援毫張吳。潑墨不寫春風恨。徙倚凝思。微呵處。細把画圖重認。帳外花翻。庭中月閒。氣少幽蘭。襯玉階蝴蝶。錯疑飛上雲。

獎

舟次西江中秋無月有懷 家大人用其年

韻

每逢佳節正思親。倍甚况兼無月歲首辭家秋已半。
鏡裏今添華髮風送江聲雨催桐葉景色逾悲切。那
堪回首愁腸百轉難歇。差喜魚雁新來平安兩字。
一見雙眸豁屈指團圓期尚杳兼奈半帆風雪遊子
萍踪經年旅食衰柳匆匆折。嫦娥知道爲余想亦妻
絕

兄賓實曰
情真調索

白雁

渾河天半看幾行白雁斜斜整整一片寒光逃斷磧

忽失萬重清影。注水涵秋汀洲點素霜信。隨風警北河

人謂白雁。收。抵海上。蘇卿雪窖相映。試理一曲瑤

琴。冰絃乍鼓。月浸空閨。冷飛入蘆花。尋不見。叫破瀟

湘烟暝。鷺跡難分。鵝羣誤識。刷羽晴暉。炯橫空排字

銀鈎玉筍堪並。

阮亭曰刻畫盡態
故是寫生妙手

黃玫瑰花

蕭條塞外朔風吹。豔紫殷紅都變土。王去聲窮邊留
正色點染。夕陽庭院。椒壁新塗。藥絲密綴。含笑金鋪。
遍黃鸝飛入。朦朧枝上難見。遙憶櫻筍江南。算風
光此際。賣花聲遠。辜負謝娘簾閣畔。正值春深夏淺。
厭殺紅英。裝成道帔。絕域霜華。擅驚看秋暮。碎接籬
菊千片。

雲臣曰有此奇花
故宜以妙筆寫之

西江聞計

冷清清地對長天秋水。兔華京浸，忽見征鴻來便羽。
認作平安家信。一向生離，今成死別。血淚添霜鬢。勞
勞千里，不堪今夜清磬。媿我飄泊風塵。阿奴碌碌，
長共携衾枕。碧落黃泉，何處問種種。寄愁誰倩。旅恨
千端，親魂一片。兩兩無人省。依稀殘夢曉。風驚又吹
醒。

又

此行何似。似阮郎窮轍。楊朱岐路。身世飄零同泛梗。
極目片帆飛渡。江水無情，胡奴失足。前此傷心處。這

回消息望中逃却雲樹
每爲四十無兒暮年心事
長見愁眉聚今夜羹湯新婦
做罪案三生難數抱恨
終天覩顏此日幾欲從親
去江關遙隔孤魂千里無
據

悔菴曰每讀文友兄哀辭使人清夜淚落茲
更吐棄扮墨獨留真本文生于情信然信然
兄實實曰讀今夜羹湯新婦做
二語天下遊子當同聲一哭

遊佛閣

雲崗石佛寺

飛泉疎柳丹梯翠壁掩映孤岫石劈巖竇恒沙佛數

虛空盡雕鏤奇奇偶偶偏袒露頂跏趺叉手奮袂舒
肘並肩曳踵听然顧而走 中最巍峩者背負神鼇
勢壓斗丈六金軀聳層樓左右看化現三身萬千非
謬連峰疊阜遍光網莊嚴諸天希有似祇園雲崗圖
就

芝田日不信舜民早已
身在箇中標新領異
生洲日調高色古絕
不似尋常几席觀

四代好

夏夜臥塔影軒

玉宇澄清景。蟬聲歇。挹取嫩涼千頃。水晶簾下半床。
笛簾一輪蟾鏡。中庭曲闌閒。凭趁夜色低窺金井。遍
苔堦無數竹影。樹影。山影。潭影。竹影。空翠淒迷。樹
影。又入微茫杳冥迢迢。山影看一碧嵐光。烟暝溪痕
蘸雲波定。俯潭影。遙天虛映。又爭如塔影臨風。南柯
吹醒。

阮亭曰。其年泛艇春溪。舜民夜卧。塔影都屬名人。
約事而同。詞異。詞各抒光怪。直可遠追唐宋近掩
元明二公。于
此真足不朽。

渡江雲

揚子江上作

極潯陽九派。岷山初導漓。汗六州中看驚濤。捲雪干
古江流。閱盡幾英雄。寄奴何在。有獅兒。便與爭鋒。算
北軍飛來天塹。猶唱水中龍。匆匆永嘉南渡。建業
西風。指斜陽影動。偏則見揚州城郭。雲樹葱蘢。無端
落木蕭蕭處。閒停棹。楓葉題紅。拚沉醉。沽來一飲。玉
鐘。

其年曰關河冷落殘照當樓無此清警

解語花

詠茉莉

幽蘭啼露菡萏梳風。淡院重陰碧。花枝午寂。北窗畔、吹動半簾香雪。蕊仙丰韻。正翠袖玉容雙絕。問炎州、如許清涼，人在瓊瑤闕。弄影偏宜，明月恰月明似水。清輝無別。纖纖手折細穿成一縷同心。千結雲鬟低揭。新浴後，簾紋水微醒來，幽夢最銷魂。化枕邊飛蝶。

其年曰詠茉莉詞向推王次
同作得此闕直踞王前矣

春夏兩相期

有約不來過夜半

繡簾垂。篆烟生鼎。小立碧梧金井。睡熟鸚哥。莫把鴉
鬟喚醒。画闌西畔。悄逢人。風動一庭花弄影。敲斷玉
釵。聽殘蓮漏。佳期未定。門外。鴉兒驚聽。恰遠天如
夢。烏啼相應。忽地郎來。笑別燈花。所並怕郎生受曉
風吹。添郎半臂。偎郎冷。密緒難諧。幽歡易促。來宵便
肯。

弘載日賦語纏綿難消紅怨
使後主見之不知誰爲伯仲

絳都春

壽趙大谷先生

承家旌孝有雲翔。白鶴霜迴青鳥系。出天潢。世傳上壽。砂山趙北山。坐擁南山皓。築西田東溪。垂釣谷口耕烟。登樓聽月。陶然清嘯。縹緲筵開玳瑁。聽天上笙歌。人間歌笑。洛社歸來。瓊枝翠結。瑤階草。玉芝光覆斑衣。繞願歲歲春風。難老從今。綠鬢朱顏如花更好。

五福降中天

端州除夕守歲和韻

天涯令節清樽滿。玉律韶光流轉。入眼屠蘇驚心爆。
竹蠟淚溶溶。頻剪寒深酒淺。正一歲平分五更欲辨。
記取此時此際。今日今年換。形影淒然難遣。芙蓉
孤枕畔。情何限。萬里梅花三冬桃李不寄江南歌管。
空闌帳冷。故國愁多。更添腸斷。懊恨春風把夢魂吹
散。

脚卷曰只一換字比古人今日今年盡靈動多少
通體聲情飄緲有循覽之致而無淒激之辭蘇黃
以來未
易多見

萬年歡

端州元夜

雲靜波恬。正瓊樓似水。冰輪高掛。猿舞獅蹲。滿路鬧蛾爭耍。幾隊採茶歌罷。看姹女蠻姬。如畫千門映火。樹星毬清輝。翠瀲交射。回想故國元宵料。有人此際。暗愁盈把。望斷歸鴻。蠟淚鮫珠頻灑。濕透傳柑雙帕。奈萬里關山隔也。倩東風夢到蘭陵。一尊同此良夜。

芝田日幾人燈火坐黃昏。自然情至何用語。語淡

御帶花

詠蠟梅花

霜簾乍捲。冰簷下。漏洩枝頭春早。羅浮別種。見檀心
梔貌。荷圓磬。小昨夜。鴉黃初點。額漢宮粧。巧模糊。認
夕陽。一色映。曲欄斜照。風暖蜜脾攢樹杪。釀就花
鬚。遊蜂環抱。鵝兒酒滿。對蠟淚。銅盤衆香繚繞。穆穆
金波顫。釵上金蟲微裊。看鄭重。隴頭書寄倩。一丸封
好。

雲臣曰詠物詞最難工麗此何
其揮灑如意良由才大故爾

曲遊春

曲江春遊

春色終南霽。正西郊跨馬。曲江之曲。滾滾飛沙。但滿
衣塵土。滿林樵牧。問江頭宮殿。還掩映數間茅屋。斷
堤細柳。搓黃高原蔓草。凝綠。何處雕輪繡轂。望杏
苑春深。野花如簇。閱盡滄桑。恰水漲浮萍。種成喬木。
落日長安遠。東風外。澄溪漾玉。那更雙燕歸來。蕭條
極目。

生洲日杜老當年已不堪。細柳新蒲之痛。况千載
後才人撫今懷昔乎。讀至曲終真覺蕭條極目矣。
玲瓏四犯

過汴故宮有感和宋道君原韻

管領山河冊。神霄帝主風流獨絕。花鳥才華化作一。
天水雪堪歎。白草黃沙斷送盡。宋家宮闕看當年。鳳
舞龍翔總付數聲啼鴂。全家莫自傷離別。指荒江
霜風冽冽。九華淚灑白鳥頭。殘夢驚飛蝶。三更毳帳
琵琶還則記。玉津時節上高原。弔古往事淒涼只留
殘月。

阮亭曰。令思陵得覩此詞。定爲一
動。蒼梧夕照之句。何必專美于古。

木蘭花慢

弔魏武帝祠

問英雄何在遺廢址枕高丘想銅雀荒荒金龍寂寂
漳水悠悠二喬與春溪鎖到分香賣履更添愁八尺
猶施總帳西風老盡松楸墓田一望亦無由歌舞
妾空留歎愛子何人山河轉眼一旦都休堪恨同槽
三馬恰兩朝受禪適同謀運數相尋輾轉侯王總付
東流

其年曰蒼蒼京涼騰騰統統如過
鼓作漁陽操千載奸雄猶爲氣盡

雨中度梅嶺和羅弘載韻

梅花香谷路。大庾嶺。插天中。正沓嶂崔巍。崩崖翠嶺。
峭壁龍嵒。磴道雲生。足下似翠微。高處水連空。濕斷
雁行孤影。嘶來馬鬣長風。潺潺絕澗。倒危峰。波動
上方鐘。總王氣。金銀將軍。戈甲霧鎖。烟封經過幾番
戰壘。只曲江詩句。尚稱雄。媿我橐中新語。共君塵外
遺踪。

何民部相携出嶺舟次芙蓉渡示羅弘載

折梅纔過嶺。芙蓉水漾晴。空念百粵乘槎。九江馳節。
三水初逢。此日珊瑚玉鏡。總片雲隔斷。數峰中。珊瑚
洲在。

番出玉鏡遊子半肩詩卷使君兩袖清風憶故園
臺在三水音問難通是處歎飄蓬有画鷁朱旗錦帆飛蓋歸計
從容更喜銀燈綺席正抽毫擎鉢醉顏紅回首天長
地闊舉頭江北江東

李星巖曰其音雄麗具山川
雲物之勝非等閒酬贈可比

桂枝香

洛陽懷古

東都休沐正左澗右瀍三河鼎足幾人稱帝稱王興
亡何速銅駝荆棘秋風裏背斜陽烟淡金谷華林廢

壘平泉。衰柳蕭蕭落木。
念往事。淒涼滿目。歎神馬。
玉龜烏鳶。競逐囊底私錢。
杭飯一盂。難熟豆田。天子。
食秋桃。但行酒青衣。非辱。
天津橋上。數聲杜宇。似聞。
歌哭。

莊椿歲

壽王烟客先生并寄端士茂京

婁江東閣筵開。廣寒鶴舞。
清秋節。霞明瑤海。香吹珠。
樹戟門羅列。天矯八龍。翺。
翔三鳳。蟬聯七葉。羨烏衣。
羣少。錦衣初賜。又早向。斑。
衣曳。好是牆東舊隱。結。

西。廬。恣。談。風。月。叢。里。才。名。輞。川。詩。画。神。仙。度。越。法。護。
難。兄。廣。之。有。子。千。秋。閱。閱。看。黑。頭。王。掾。稱。觴。玉。醴。霜。
浮。金。闕。

周子淑曰大呂黃
鐘非復硤硤細響

水龍吟

蘆溝橋曉行

無。端。又。渡。桑。乾。蘆。溝。橋。畔。行。人。老。髀。裏。肉。增。鬢。邊。絲。
減。車。塵。擾。擾。幾。陣。清。霜。一。鞭。殘。月。西。風。古。道。聽。晨。雞。
悲。咽。哀。鴻。淒。緊。閱。盡。輪。蹄。昏。曉。底。事。倦。遊。京。洛。醉。

樊臺頻年潦倒。燕昭安在。劉蕡空泣。水流烟遶。囊並身輕。舌隨裘敝。春明夢杳。望長安。回首水精宮闕。五雲縹緲。

遠公曰。人語悄。傳孤戍。火馬蹄寒。踏滿橋霜。推爲蘆溝佳句。得舜民此詞。哀感悽惻。足使行人酸鼻。

錢塘江上作

錢塘春水平。鋪吳山越嶠。層波映萬戶。晴嵐千帆芳。草一江明鏡。塵銷錦幕。烟籠翡翠。灰飛鳳嶺。望西興。渡口斜陽影裏。潮落桃花人靜。無限傷心往事。指靈胥不堪重省。素車白馬。金戈鐵弩。數聲清磬。銀雪。

當筵錦標弄水尚留幽勝問滔滔容我乾坤豪客扁舟乘興

生洲日萬戶晴嵐三語寫得江山如画

題曹南耕杲亭

杲亭斜峙梅廬南耕卜築經營巧開林帖石疏泉架壑一丘環抱竹祖搖風桐孫蔭月龍鱗獨老把匡廬烟景十年收拾

十年前南耕讀書匡廬

結構處江山小曲徑

紅欄低遶跨飛橋牟求時到傾壺挈榼縱橫文史流連魚鳥擊鉢拈題彈碁角勝憑君吟嘯看樓前雲起

鄰居爲嵐深樹密都圍亭表
雲起樓

雲臣日果亭情景南
排風致一一繪出

白蓮

炎窗絮滿池塘。風鬟露鬢紅衣卸。田田葉映亭亭玉
立。新粧淡雅。明月無痕。輕烟乍冷。瑤臺清夜。想耶溪
越女。採來一色。點染冰姿如畫。幾陣鷺鷥飛下。入
花叢。迷離欲化。霓裳初舞。鮫珠頻弄。暗香沾惹。湘水
真妃。東林繡侶。嫣然相亞。聽蓮娃。曲調新翻。白苧水
天閒話。

雲臣曰如
璠臺積雪

畫錦堂

寄陳椒峰擢第都中

上苑花新曲江春暖飛鳴振翻雲霄聞道國門紙貴
驚座名高生民清廟憑塗改長揚羽獵助揮毫還相
勉邦本安危入陳黼座常勞一肅條記長安沽酒處
與君共解蘇貂自別金臺潦倒萬事波濤忽聞天上
泥金信慰我烟霞象外交甘棄置回首春明夢杳一
卷離騷

齊天樂

湖上五日和周清真韻

小樓半捲珠簾雨。湖心画船三五。滿眼榴花半杯昌。蹶。隨。地。歲。時。荆。楚。酒。龍。詩。虎。更。剪。艾。爲。人。裁。絲。成。纓。憑。弔。湘。魂。錦。塘。波。送。垂。楊。午。湖。山。風。景。如。昨。只。六。橋。柳。色。已。分。今。古。舞。罷。白。題。歌。殘。回。鶻。賦。就。鐵。崖。詩。句。鳬。鷗。飛。度。宛。彩。鷁。朱。旗。藕。花。深。處。一。騎。驚。回。城。頭。催。暮。鼓。

其年曰撫景驚心愀愴何極
令人想錢王萬弩射潮時

嶺南道中酬贈羅弘載卽和原韻

孤帆春漲桃花雨。賴有山陰儔侶。昭諫高名。剡溪逸
致。典會一時標舉。共推燕許。登著作之堂。文章之府。
摹得蘭亭。珊瑚洲畔尋芳去。此日聯翩放棹。奪詞
壇赤幟。讓君旗鼓。緩拍紅牙。新裁黃絹。嶺外晴陰初
午。雕龍繡虎。看花號佛桑竹。名慈姥。百粵山川聽陽
阿。激楚。

破舟觸石瀕危得弘載慰問再疊前韻

揚舲石觸空灘雨。自分魚蝦爲侶。一水潏漩。九天咳

唾何處。潑思高。舉飄零如許。拚獻賦。鮫宮泣珠。泉府
上下。隨波滔滔。吾亦從茲去。忽傍孤峰似馬。俯洪
濤噴薄。驚聞雷鼓。側足捫蘿。聳身絕壁。怒氣昏昏。亭
午風號。豺虎有傾蓋。羅生釀花。裴姥携手。蘭舟慰同
袍。婁楚。

其年曰感憤之况雜以詼嘲使人
涕笑齊集不復以爲危機駢狀也

暮春送別潘原白之京和陳其年韻

曉鶯吹夢東風細。醞釀一春花事。暖暖寒寒晴雨
雨。做就殢人天氣。河陽名士。取道向燕山。拂衣而起。

笑兀金臺蕭條我亦曾經此
蘭舟日暮催發却垂楊
蘸影碧波如洗瞬息揚帆中流擊楫咫尺扶搖萬里
佳辰元巳算上苑春光屬之君耳佇立情深別淚同
鉛水

天象曰情緒繚繞溢於言外

戀芳春慢

清明上巳艤舟山塘用万俟雅言韻

鑽火留餚采蘭修禊長堤烟景爭新上巳清明曉起
霽色初勻不用遨遊分日總掩映桃李芳津看多少

簫鼓樓船垂楊影裏遊人。珠軒九曲繡簾四面霏。
紅點翠薄霧穿雲寶馬遊童紛紛競逐佳辰再上武
丘壇畔鑾輿迴象設楓宸回頭望朱旛皂蓋繁華偏
勝迎春。

宴清都

寄壽潘淑浦四十

分袂當朱夏。荷亭上別况冷於秋也。京觀甫築鯨鯢
盡息。烽銷戎馬。五年政績湖南未強仕已膺民社種
河陽滿縣桃花千株華蓋山下。遙傳月洞波明淑。

溪浪靜。琴堂清暇。庭梅枝放。靈鵲集成。供君吟寫。庭
靈鵲俱淑。此日壽觴齊舉。願歲歲紅絃綠竿待春來。

浦近詠

剪燭西窗。片帆初卸。

竹逸日縱筆。所如非
詞塲老手。難道隻字。